

Cumün da Val Müstair



Reglamaint per transir cun veiculs a motor sün vias our d'cumün

(vias champestras, da god e d'alp)

Cuntgnü

Art. 1	Princip d'attribuziun	3
Art. 2	Limitaziun da pais	3
Art. 3	Limitaziun dal temp da transir cun pais	3
Art. 4	Obligs dals manaschunzs da veiculs	3
Art. 5	Vias cun dret da transit liber	3
Art. 6	Vias cun dret da transit limità (permiss excepziunals)	3
Art. 7	Vias cun scumond da transit per veiculs a motor	4
Art. 8	Excepziuns sainza permiss	4
Art. 9	Excepziuns cun oblig da dumondar ün permiss	4
Art. 10	Respunsabilità	4
Art. 11	Disposiziuns penelas	4
Art. 12	Execuziun	5
Art. 13	Publicaziun e signalisaziun	5
Art. 14	Entrada in vigur	5

Reglamaint per transir cun veiculs a motor sùn vias champestras, da god e d'alp

(Reglamaint per vias our d'cumün)

As basond sùn art. 3 LStra (SVG), art. 7 e 8 LIdLStra (EGzSVG), sco eir art. 15 LG (WaG), art. 13 OLG (WaV), art. 20 LCG (KWaG) ed art. 16 OCG (KWaV) relascha il cumün da Val Müstair il seguaint reglamaint:

Art. 1 Princip d'attribuziun

Las vias our d'cumün vegnan attribuidas a las categorias vias champestras, vias da god e vias d'alp tenor il princip da la finanziaziun da la fabrica. Il scumpart vegn fixà da la suprastanza cumünala i'l annex cun charta e tabella.

Art. 2 Limitaziun da pais

Per las vias our d'cumün vaglia üna limitaziun generala da pais da 32 tonnas. Divergenzas fixa la suprastanza cumünala i'l annex. Il servezzan forestal es legitimà da dar permiss excepziunals per transir cun pais plü ots.

Art. 3 Limitaziun dal temp da transir cun pais

Dürant la bunatscha (Schneesmelze) esa in general scumondà da transir cun veiculs da transport cun pais süllas vias our d'cumün. Il servezzan forestal po scumandar tuot ils viadis in cas da relaziuns disfavouraivlas da la via obain relaschar restricziuns per ün temp definà e / obain per categorias da veiculs. Per dons chaschunats da transports dürant la bunatscha vaglia la consequenza da l'indemisaziun dal chaschunader. Transports indispensabels sun da coordinar cul servezzan forestal.

Art. 4 Obligs dals manaschunzs da veiculs

Barrieras e bavuns sun da serrar davu mincha passagi. Sül areal cunfinant a las vias nu das-cha gnir transi. Parcar e cruschar das-cha succeder unicamaing sùn lös adattats perquai. Veiculs plazzats nu das-cha impedir al transit da la via. Il permiss per transir cun veiculs a motor sùn vias cun dret da transit limità nun es transmissibel e sto gnir francà bain visibel i'l veicul.

Art. 5 Vias cun dret da transit liber

Las vias champestras han in general la funcziun da vias cumünalas e sun avertas pel trafic da veiculs a motor. Vias da god e vias d'alp han be excepziunalmang la funcziun da vias cumünalas e sun per regla serradas pel trafic da veiculs a motor. Üna part da las vias cun dret da transit liber vegnan serradas stagiunal. Las vias cun funcziun da vias cumünalas, ed ils termins per ün eventual scumond da transir cun veiculs a motor, vegnan fixadas da la suprastanza cumünala i'l annex.

Art. 6 Vias cun dret da transit limità (permiss excepziunals)

Singulas vias da god e d'alp servan, sper l'adöver dal forestal e da l'agircultura, eir amo per oters scopos. Per quistas vias vala ün scumond per veiculs a motor (sig. 2.14) cun las excepziuns tenor art. 8 ed art. 9. Las vias cun dret da transit limità vegnan fixadas da la suprastanza cumünala i'l annex.

Art. 7 Vias cun scumond da transit per veiculs a motor

Vias d'alp, vias da god e singulas vias champestras servan unicamaing a l'economia agricola e forestala. Per quistas vias vala ün scumond per veiculs a motor (sig. 2.14) cun las excepziuns our da motivs previs sün basa da la ledscha forestala chantunala e tenor art. 8. Las vias cun scumond da transit per veiculs a motor vegnan fixadas da la suprastanza cumünala i'l annex.

Art. 8 Excepziuns sainza permiss

Las limitaziuns seguond art. 6 resp. il scumond da transit seguond l'art. 7 nu valan per:

- a) tuot ils viadis da servezzan da pulizia, forestal, uffizi da fabrica, PEM, guardgiasulvaschina e guardgiapes-cha, sanità, pumpiers, guardgia d'öli e chemia, viadis per accumplir activitats publicas obain legalas (p. ex. spazzachamin, inspecziun da fö, tribunal per visitas occularas e.o.p.) sco eir viadis in servezzan da la Confederaziun;
- b) viadis da meidis e da veterinaris in activitats professiunalas;
- c) viadis ordinats d'ün post cumpetent in occasiun d'accidaints, d'incendis e da catastrofas;
- d) viadis pel transport da sulvaschina d'ungla sfessa;
- e) maschinas da loipas per preparar tragets da passlung e sendas d'inviern;

Ils viadis manzunats sun admiss sainza procurar ün permiss.

Art. 9 Excepziuns cun oblig da dumondar ün permiss

Da las limitaziuns seguond art. 6 e dal scumond da transit seguond art. 7 po la suprastanza cumünala conceder excepziuns sün dumonda adequata per:

- a) veiculs a motor da proprietari d'abitaculs e da terrain sco eir da fittadins per ils viadis pro l'edifizi o pro'l terrain;
- b) veiculs da furnituors, glieud da professiun, concessiunaris eui. per executar lur actività professiunala;
- c) servezzans d'apport per scopos specifics sco transports da sort;
- d) veiculs per transportar a persunas chi sun impedidas da chaminar;
- e) vehiculs per transports publics e transports da gruppas organisadas, voul dir transports tras cuors regulars o bus da sur 6 persunas;
- f) viadis per motivs agricons o per l'alp;
- g) viadis per far visitas;

Las modalitats per dar ils permiss e las taxas correspudentas relascha la suprastanza cumünala illas disposiziuns executivas.

Art. 10 Responsabilità

Pro dons ed accidaints es il possessur da la via responsabel be i'l rom da la responsabilità da l'ovra. (art. 58 OR).

Art. 11 Disposiziuns penelas

Surpassamaints da quist reglamaint vegnan chastiat da la suprastanza cumünala cun üna multa da min. fr. 200.00 fin a fr. 1'000.00, in cas da repetiziun fin a fr. 5'000.00.

Schi's maldouvra il permiss po quel gnir retrat per dürada permanenta obain per dürada temporaria.

Art. 12 Execuziun

L'execuziun da quist reglamaint es chosa da la suprastanza cumünala. Ella po delegiar quista cumpetenzza a funcziunaris dal cumün obain a la pulizia chantunala.

Art. 13 Publicaziun e signalisaziun

Las excepziuns e las restricziuns da trafic, chi sun gnüdas relaschadas cun quist reglamaint, sun da publicar tenor l'art. 107 al. 1 e 2 OSS (SSV). La signalisaziun ha da succeder in cunvegnientscha culla pulizia da trafic dal Chantun Grischun.

Art. 14 Entrada in vigur

Quist reglamaint es gnü approvà da la radunanza cumünala dals 22.06.2011. El aintra in vigur davo la finischun da la procedura tenor l'art. 7 al. 2 LIdLSta (EGzSVG) e la montascha da la signalisaziun correspudenta al lö.

Müstair, 21-11-2011

Il president cumünal:

Arno Lamprecht

Il chanzlist:

Not Manatschal